

# Heid is a schena Dog (Longversion)

Text und Komposition von HolleGreat (Erwin Kopold)

## 1. Strophe

Da Summa der geht o und es is wieda moi soweit.  
In Bayern gfrein se olle auf de Biergartenzeit.  
Weil do gibt`s a frische Maß an guad`n Kaas a rieß`n Brez`n.  
An Steckerlfisch, a Giggerl und zum fiesl`n no a Ripperl.  
Da Dog is sche, man riacht de Gmiatlichkeit.  
Wos an Bayer richtig gfreit..

## 2. Strophe

Jeden Sonndog bin I drunnt und des hod a sein Grund.  
Weil do sitz i unterm Bam und i fui me wia dahoam.  
I lass de Seele einfach bauml`n und schaug de Leid zua.  
Wia sie ess`n, sauffa, racha, D`Schnupferei ghört a dazua.  
D`Mensch`n rugga zuamm, ren mit de Leid.  
D`Sunna scheint und sche is heid.

## Refrain: 2 x

Heid is a schena Dog, Heid is a schena Dog.  
Ja grod wia en mog, a so a schena Dog.  
A so a Dog, a so a Dog, a so a schena Dog.

## 3. Strophe

An diamoi spuid a Muse und I her so gern zua.  
Der wo tanz`n wui steht auf und hoid sei Nachbarin dazua.  
Manchmoi tanz`n Trachtler und hi und do gibt`s Linedance.  
Hier treffa sich Vereine und bringa a Stimmung eine.  
Es gibt immer wos zum schaug, oiwei zua.  
Do draht dein Grong in oana Dur.

## Refrain: 1x

Heid is a schena Dog, Heid is a schena Dog  
Ja grod wia en mog, a so a schena Dog  
A so a Dog, a so a Dog, a so a schena Dog

**Gitarren Solo: (Refrain) 1X**

## 4. Strophe

Und wenn`s sche langsam Nocht werd, und du saufft dei Noagal zamm.  
An bläd`n Schel vo lauda Bier, i moa jetz gema hoam.  
Heid war`s doch ganz sche zünftig, maing`n do gema wieda hi.  
Bstain a Bier und wos zum ess`n, und es werd no a moi so griabe.  
So geht`s den ganz`n Summa durch, do machst fei scho wos mid.  
Jeden Dog im Biergart`n, do werst fei ganz sche miad.

## Refrain: 2 x

Heid is a schena Dog, Heid is a schena Dog.  
Ja grod wia en mog, a so a schena Dog.  
A so a Dog, a so a Dog, a so a schena Dog.  
A so a Dog, a so a Dog, a so a schena Dog.